

آدرهس :

IDJTIHAD

Constantinople



ایکینجی سنه

اجتهاد

آدرس :

اجتهاد اداره خانه سی :

شهر اماتی قارشیدنده دایره

مخصوصه در .

سنه ۴۰ ، نسخه سی

۲ غروشد در .

آیده ایکی دفعه نشر ایدیلیر فنی ، اجتماعی ، ادبی ، سیاسی مجموعه

زمان ، يالکيز باشنه اي ايدمه زن . بير اعتناي حکيمانه ،
بير حکمت شفقتکارانه ، بو فلاکتلرک ألم تخطريني تعديله
مستعد بير دور رفاه ووسعت کتبره بيله جکدر .

نهمه ييب بير احتياج فعاليت و مسارعت اوکنده يز!
عموم اوروپايه و آسيایه ارزاق ويرمک استعدادينک اوستنه
سريامش ياتان بد بخت آناتولي آجلقدن اوليور! اوت ،
آجلقدن اوليور !

۹ نوومبر ۱۹۰۹ مصر

دوقتور عبدالله جودت



(آطنه) نك تاريخي :

آطنه ، قديم (سيليسيا) نك وسطنده بولونديغندن
شيمديكي حالده اك مهم شهريني ، تعبير ديكرله بو خطه نك
مرکزي تشكيل ايدر . بونكه برابر خطه نك (آناوارزا)
(سيس) ، (مسيس) ، (طرسوس) و (پومپه نو)
بوليس (شهرلرينك اسملري كبي آطنه اسمده پك قديم
تاريخلرده معلوم اولماديكي كبي بانيسنك اسمده معلوم
اولامامشدر . مع هذا ، اساطير يونانيه نك مقرون حقيقت
كورونمين افسانه لرينه اعتماد جائز ايسه آطنه (سنا) نك
و (ارض) ك اوغلاري (آدانا) [۱] و (ساروس

[*] قديم املاي (آدنه) ايدى صوكره باب عالي (آطنه)
شكاه افراغ ايتدي نيته كيم كچنده ده ازويد ، بوشيمه اصلاح و تجدددن
وايه دار و (ازमित) اولدى .

شودر : « بنم طلسم ظفرم طولوخزينه ، معلم عسكردر »
بز هر دفعه سه ويله يورز : وارلق مبارزه ياشاماق غالب
اولمادر . غلبه ايچين ايسه ايلك شرط طولوخزينه ،
طولوكيسه در . خزينه ويا كيسه ايسه دعا ايله طول-
لمايور ، سمي ايله ، خزائن طبيعتدن استفاده ايتمه يي
بيامكله طوليور . كوروليوركه مسئله اقتصاديه ،
بير مات ايچين ، بير دولت ايچين عقده حياتدر ، محض
حياتدر . بز زنكين اولمالي يز ، هيچ اولمازسه فقير اولمالي يز ؛
قومشولرمزدن ، قومشو ملتاردن ممكن مرتبه مستقني
بولونمالي يز . بز عظيم بير ارزاق انباري اوزه رنده
آجلقدن قان قوصان ، بي خبر ، بي همت بير آدمه بكمزه رز .
كافه دوله اقراض ايتك ، كافه اقوامك مراجعتكاه
حوائجي اولماق استعداد جغرافياي مزله برابر هر ماته محتاج ،
هر دولتدن دست كشاي استقراض اوليورز .

ايشته بزده كي ، بزم حيات اقتصادي بزده كي بو فاجعه
مضعكه آميزي كوسترمك مقصديله دركه وطنداشولرمزدن
و محبانزدن اوحايان افندي جدى تدقيقلر و مقاييسلر
محصولي اولان بير سلسله مقالات نشر ايتميشدي . مومي
اليهك بو حوزه علميه ده صاحب يد طولوي اولديغني سويله مديه
حاجت كورمه يز . بز اونك فرانسزجه يازاراق ، فرانسزجه
بير غزته ده نشر ايتديكي بو تبغات اقتصاديه يي او رتبه
مستفيدانه او قودقكه توركجه يه ترجمه ايدرك ملاحظه
عموميه يه عرض و فوائديني عمومه تشميل ايتمه يي فرض عد
ايتك . شيمديلك بو مدققك (آطنه) ولايتزده كي نيم
مجهول طبعي عرض و آرائيه مخصوص بر مقاله سني ترجمه
ايتك .

(آطنه) بير عقاب سياه فلاكتك پنجه سندن هنوز
قورتولدي ؛ آچيلان جريخلر حالا قانايور . بوياره لري

[سیحان] طرفدن بنایدیش و بوا یکی قارداش اسمیرنی شهره و شهردن کچن نهره ویرمشلردر .

(لانتلوا) و (راهب عالیشان) و امثالی مؤرخین ولسانیون دیورلرکه (آدنه) کلهسی فیکه لیلر لساننده (قاقاق) آغاجی دیمک در . سیحان نهرینک سواحلنده قاقاق آغاجی کثرتله بولونماق مناسبتیه شهره بو اسم ویریلشدر .

بو شهرک اسمی ایلك دفعه اولاراق (قسه نوفون) طرفندن (اون بیکلرک رجعتی) عنوانی کتابنده و بالاخره یعنی ، تقریباً میلاد عیسادن یاریم عصر اول بیوک (مهرداد) ک بوحوالیدهکی محارباتندن باحث کتابارده ذکر ایدیلشدر .

۱۳۸۷ سنه میلادیه سنه دوغرو (آدنه) رمضان اوغلی قبیله ترکانیه سی اله ، مضافاتیه برابر ، دوشمشدر .

موقتاً مصر لیلرک اله کچدکن صکره اون بشنجی عصرده ، ۱۵۷۵ تاریخه دوغرو بورالر (مصرلی ابراهیم پاشا) نك ساحلان محمود ثانی علیپنده آخدینی محاربه نك صحنه وقوعی اولمش و مصالحه عقبنده و محمد علی پاشا اردوسنک چکیده سندن صکره ، ۱۸۴۱ ده (آدنه) تکرار پیرولایت حالنی آلمشدر . سیایسیانک « اووالرک ملکه سی » تسمیه ایدیلن چوقور اووالسی فیض وبرکتیه او رتبه شهرت قزاقمشدرکه ضرب مثل حکمنه کچن ثروت ارضیه سی هر دورک قورصالیرنی وعموم (بحر سفید) ، (نه که ثون) (آدریاتیک) دکزلری تجارت لیانلرینک کمجیارنی کندیهسته جلب ایتمشدر . بوسورتله فیکه لیلر . یونانی لر ، وندیکی لر ، (جنوز) لر (غولوا) لر ، مغربیلر و (سارازدن) لر ، (ایاس) لیاننی تکمیل اوروپا ایچین ارزاق انباری حالنه کثیر مشارددر .

(فی الحقیقه بو اووالر طولاشیدینی وقت (طوروس) طاعلرینک بعض کوچوک تپه لرندن باشقا بیر عارضه کوروله یین بوفسخت مطرده نك اوکنده مستغرق و جد و حیرت اولماق ممکن دکلددر .

(یوره ییل) ، (آناوارزا) و (حمید ایلی) نك افقی تامرئی کوزل اووالرنده سیاحت ایدیلرکن کوز شمعنه نظر فریبیدن بی تاب اولارق بیوده بیر حدود آرام آزار . شایان تأسفدرکه بو اراضی نك اونده دوقوزی بور بر اقلمشدر وعصرلردن بری محمولسز وعقیم اولاراق متروک و سینه لرینه حیات وبرکت ویرمک ایچین فیض آور صپانلری بیوده بکله مکدهدر !

احوال جغرافیائی سی

جغرافیا نقطه نظرلنده ۶۳،۵۸ درجه عرضنده ۳۲،۵۴ درجه شرقنده بولونماسی (آطنه) بی ارباب اختصاصک پاموق زرعه صورت مخصوصه ده الویریشلی عد ایتدیکی منطقه معتدلیه وضع ایدر .

آطنه شهریکه ، ۸۰،۰۰۰ نفوسی حاوی در . عینی اسمدهکی ولایتک مرکزی در . سیحان نهرینک صماغ طرف ساحلنده مبنی در . ولایتک عموم نفوسی ۴۵۰،۰۰۰ ایله ۵۰۰،۰۰۰ راددسنددر . موسم حصاده آناطولی نك داخلندن کلن عمله نك و وقت وقت سورولریله عزیمت وعودت ایدن بیرجوق خیمه نشین قبائلک نفوس متحول الاعدادی بو حسابده داخل دکلددر .

آطنه شهری ، اساساً بیر شهر زراعی وتجاری در . ولایتک مساحه سطحیه سی ، (کیهرت) طرفندن ۴۰،۰۰۰ کیلو مترو مربای یاخود ۴۳،۵۲۵،۵۷۰ دونم تخمین ایدیلشدر . بیر دونم مصرک بیر (فدان) ی نك

